

Learning French in Medieval England

MS 8

[]

[¹]Le trestitz qe mon s[ire] Gauter de Biblesworth fist a ma dame D[ionyse] de Mountensie pur aprise de [...] primer tenps que homme nestra od tout le langage de sa nature en sa juvente [...] tout le fraunceis cum il e[ncurt] en age et en estate de [h]usbander[ie,] cum pur arrer, rebyner, wareter, semer, sarcler, [...] sier, carier, muer, batre, moudre, pester [...] fest araiar. Puys tout que en [...] espleytes de chace cum de venerye, peche [...] ou en estaunk, chescoyn en sa nature. Puys [...] de bestes e des oiseales chescoyn, e che[scoyn] [...] sa naturele aprise. Puys trestout le franceis de [...] en curtilage verger, gardyn, ou q'il sount [...] issi trovrez vous tout le dreit ordre en parler e em respoundre [...] [n]uyl gentyl homme ne deit saver par dreit s'il vueilz estre e[...]ne gent honuree.^[2]

[Infancy and early childhood]

- Feme qe aproche son tens
D'enfaunter moustre sens
Dunc sei purveit de [u]ne ventrere ^{a mydewif}
- 4 Ke seit avysee counseilere.
Kaunt li enfs serra neez
Lors deit estre maliolez ^{swapeled}.
En (ms. E) son berce l'enfaunt couchez,
- 8 De une berce vous purveiez. rokere
L'enfaunt covent [a] chatouner
Avaunt qe il sache au peez ale[r].
L'enfaunt bave de nature;
- 12 Pur sauver ses draz de baveure
Vous dirrez a sa bercere^[3]
"Fetes l'enfaunt une bavere." slavring clout
Si tout cum l'enfaunt set aler
- 16 De tey s'en veut enpaluer. fil him w[yt] erpe
Pur maygne e perile de blesceure
Garce ou garceoun li deit sure,
Ke il ne cest ne chez snaper ne fall
- 20 En la bowe ne messece.
Kaunt l'enfs ad tiel age
Ke il siet entendre a laungage,
Prymes en fraunceis le devez dire
- 24 Cument son cors d[eit desc]rire.

[Parts of the body]

	Ma teste ou moun chief; La greve de moun chief. Fetes la greve a lever	scha[de] pe heve[d] feldefare
28	E mangez la gryve a dyner. J'ai les chevez recercelez. Moun toupe vous prie estaucez. En vostre chief vous avez toup,	crispe eves my top
32	E en la rue juez od toup, E a la loute dereynez toup, E serencez de lyn le toup. Vous devez dire 'moun hanapel ^{harn[epanne]} ,	ram hekil of flax
36	'Moun frount' e 'ma cervele', ^[4] 'Le haterel' e les 'temples'; E les mousters sount ditz 'temples'. Vos regardz sount graciuses	
40	Mes vos oez sount jaciuses. ^[5] Des oez oustez la jacie E del nyes la rupye. Mieuz vaut la rubie par .b.	pe maldrop precious ston
44	Ke ne fet la rupie par .p.; Si bourse eut taunt de rubies Cum nes ad de rupies, Riche serreit de perie	
48	Ki teaunt eut de rubie. Del oeil est sauf la purnele Si li pauper seit bon e bel. ^[6] En les paupers sount les cilz, ^[7]	pe appell[...] breyes
52	Amount les oez les surciz. Le nyes deit aver par resoun Dous nariz e un tendroun. ^[8] Vous avez la levre ^{pe lippe} e le levre ^{hare}	browes
56	E la lyvre ^{pe pound} e le lyvre ^{pe buke} . La levre si enclost les dentz, Le levre en bois sei tynt deyntz; La lyvre sert en marchaundie.	
60	Le lyvre aprent enfaunt clergie. La bouche par counsail del palette Vous dirra si vyn seit bon e nette. Les dames sount ententyves	pe rofe
64	De bien laver leur gencyves, E l'encesoun est bien certeyn ^[9]	pair gomes

	Ke eles le fount pur bon aleyne.	onde
	Le col, la gorge e le mentoun	chin
68	Laungage est asez comun.	
	Desoutz la gorge est la fourcele,	chenelbon
	'Os fourché' fraunceis apele.	
	N'est pas mester a descryre	
72	Chose qe chescoyn siet bien dire:	
	Ventre, dos e l'eschyne,	
	Espauls, braz e la peytrine;	brest bon
	Mes jeo vous frai moustrison	
76	De choses noun pas si comeun.	
	En chief devaunt, la founteyne,	pe molde
	La balevre e la levre suseyne. ^[10]	
	En bouche sount les messelers ^{wang tepe}	
80	E deinz foroyne si tu les quers.	
	Al col avez un fossette,	
	Desoutz la launge la filette.	
	Coneustre covent la kakenole,	e[r]wax
84	K'en l'oraile gist mole.	
	Desoutz l'oraile est le gernoun ^{crocud} .	
	A l'espaule avez blazoun.	pe soldre bon
	Desouz le bras est l'essuyl.	harmolhe
88	Parmy la char gist l'essuyl.	exiltree
	Sur la mounteyne sourt le bruy.	myst
	En base tere, bone suyl.	
	Le vent de bys mout greve l'oile.	
92	Aprés l'aust chest la fuyle.	pe leve
	Aprés gel vient remuyle.	wete
	Cestes paroles issi recoile,	gedur
	L'encheson purquai dire vueile:	
96	Pur l'acord en parlaunce	
	E la descorde en variaunce.	
	Des espauls isent les braz.	
	Coustes ne meynes ne lerrom pas,	elbowes
100	Mes pur estre en toute certeyn	
	Vous touche le cove (ms. towe) de la maeyn,	pe wrist
	La palme deyntz, le clay dehors. ^[11]	
	Puygne est dist qaunt mayn est clos	fiste
104	E une puygnee qaunt la meyn	hand folle
	De menues greynes est trové pleyn.	
	Amedous les mayns voides ou pleyns	
	En Fraunz apel l'em les 'galeyns'.	goupynes

- 108 Mieuз voudrai une pognee
De gyngyvre triee
Ke mes galeyns
De fylauudre pleyns. gossomer
- 112 Une couste de mes coustez
Adam en out houstez ^[12]
Kaunt dame Eve primes fist.
Ne porte grant charge purquai il gist,
- 116 Ne purquai ceo mot vient en place,
Mes bon est qe homme le fraunceis sace
De la couste qe signefie,
Car toute gente ne sevent mye.
- 120 Enmy le ventre est l'umbile
E par desouz le penyle. pe navel
Quyses, nages, la fourchure pe schare
Fount grant ese pur chevaucheur.
- 124 ^[13]Jaumbes e genuz conusez,
N'ad mester qe vous seit touchez.
Mes en la jaumbe est la sure sperlire
E taunt cum braune est asure
- 128 De fort homme pluys s'aseure.
Ware l'escamele de blesceure.
Plaunte, urtil e taloun sole, tou and hele
Dount le fraunceis est comun.
- 132 Deynz le cors de chescoyn homme
Ert quer ^{harte}, fay ^{liver} e pomoun, lunges
Esplen^[14], boweles e reynoun^[15], galle
Estomak, veyns e nerves enviroun. veyns
- 136 Si avez par dehors une pele
E de une beste 'quyre' j'apele.
Le clerk soun le dereyn apele.
Le prestre fet a Rome apele.
- 140 Ore aveez ceo qe apent a cors
E par deynz e par dehors.

[Clothing]

Ore le fraunceis pur vostre vesture e tout vostre harneis

Vestez vos draz, mes chiers enfaunt,
Chaucez vos brayes, soulers e gauntz.

- 144 Mettez le chaproun, covrez le chief.
Tachez les botouns e puyс derechief
De une currei vous ceyntez. pwong

	Ne di pas "vous enceynte",	maye wit child
148	Car femme par homme est enceynte E de une ceynture est ceynte. De la ceynture le pendaunt Pase parmy le mordaunt.	pe bukil
152	Ensi deit le hardiloun Passer par true de subilioun.	pe tung elbor

[Food]

	La mayn de un joven enfaunt Vers payn s'estent demeyntenaunt.	
156	Ore li donez en sa mayn Une bribe de blaunk payn. A dyner li donez des oefs E les atirez a son oes.	lumpe
160	Houstez l'escal avaunt qe il hume, L'entruet ausi e l'aubume; Si li dunez le muel, A homme seyn bon morsel.	pe sell ar he suppe
164	Mes la germe vous houstez Ke mal est a defire, ceo sachez. E de dreit enfauntz cleyment De manger poumes purceo qe l'eyment.	pe stren
168	Oustez l'estiche e la parure, ^[16] Si lour donez la morsure. La pepyner vous esmettez E les pepyes dehors plauntez.	destert corke pe kernels

[Collective names of animals]

	E de chescoyn manere d'asemblé de bestes e des oiseus od lour naturel noys	
172	Bieus douz enfaunz, pur bien aprendre, En fraunceis devez entendre Ke de chescoyne manere assemblee De bestes qe Dieu ad fourmee,	
176	E des oiseals ensement Vous covent parler prosprement. Prymes ou cerfs sount assemblé Une herde est appellé,	hertes
180	E de grues ausi une herde, E de gryves saunz .h. erde. Nihé de fesauntz, covee de pardriz,	cranes feldefars

- Damoye des alowes, tripe de berbitz; larkes
- 184 Harraz dist homme de puleyns
E une foule de vileyns.
Setie de blee, sotie de biens,
Masse d'argent, fumer de fens,
- 188 Greile de gelyns, tourbe de cerceles,
Lure de faucouns, lure de puyceles;
La puycele set saunz juper
Les gentils fauncouns alurer.
- 192 Eschiel dist homme de bataille.
Fuysoun dist homme de vif aumaile.
De dames dist homme la compaignye,
E des owes ne chaungez mye, gese
- 196 Kar un fraunceis i tent teu dreit.
Le mestre baudement ceo etreit.

[Animal noises (voces animantium)]

Ore de noise de bestes en lour naturel langage

- Ore oiez naturellement
Le noise qe fount dyversement
- 200 Chescoyn d'eus e chescoyne
Soulum qe nature condoune.
Home parle, ours braye bere ro[res]
Ke a demesure sei deraie.
- 204 Vache mugist, grue grule, cowe lowe[s]
Leoun rumyst, coudre creule. hassul wa[wes]
Chyval henyst, alowe chaunte,
Columb gerist e cok chaunte.
- 208 Chat mamoiie, serpent cifle,
Ane rekane, cyne recifle,
Low houle, chien baie,
Gupyle asence ^[17] pur sa praie;
- 212 Truye groundile, gelyne patile,
Pounte en gardyn e pounte en ville.
En fraunceis i ad tel estile
Ke gelyne hopee pounte e patile.
- 216 Ki (ms. Kei) trop s'avaunte saunz resoun
A la gelyne est compagnoun,
Ke pluys s'avaunt pur un oef
Ke pur s'arreure ne fet le boef.

[Varia 1]

- 220 Berbice beleie, dame bale. sepe bletes
L'espicer prent ses merces de bale.
Par trop veiler hom baile. ganes
A son serjaunt sa chose baile.
- 224 Après dormyre homme s'espreche. ^[18] rakes hym
Li prestre en l'eglise preche.
Li paschour en vyvere pesche
Ou de la raye ou de son hesche.
- 228 Li failie lest sa tere fresche
Pur achater char fresche.
Kaunt pover femme meyne sa tresche
Mieuz luy vaudreit en mayn la besche,
- 232 Kar ele n'ad dount sei besche
De payn une brybe ne un lesche.
Son chael sa paele lesche. welp liks his pan[ne]
Ore donez le chael a flater
- 236 Ke lesche la rosee del erber.
Eschuez flatour qe set flater
E les gentz espeluker.
- Ore d'estrangle langage de fraunceis ke tout est dist en un engleis
- [V]eez ci vent devaunt vous ^[19]
- 240 Un biel chyvaler rous. rede
Un chyval sor est mountee, rede
Ecue de goulis ad portee; selde
Une launce rouge en l'uyne mayn,
- 244 De vyn vermaile l'autre playn. ^[20]
Ki ne mangust poynt de peisoun
Si del haraung sore noun.
Je veie une reyne saunz rey quen
- 248 Pur une reyne fere desrei an frosk
Enmy le reoume le roi.
En une reoune sist par sei.
Un vyleyn vynt en ma forere
- 252 Ke eynz oie foreynere
E dist qe il voleit foreyer
A levre qe il vist forveier. to þe hare

[Harvesting]

Ore du fraunceis de pree e de chaumps

- Ore aloums a preez e a chauns
- 256 Pur enfourmer nos enfauntz.
De fauz fauchez un aundeyne de pree,
De faucile siez une javel de blee.
En tresels les garbes mettez.
- 260 Une warette de peis aracez, pese riss
Lé favaus de feves de ceo liez. ben schaf
E qaunt tens est de karier
Vos charetz lors fetes charger.
- 264 Ses chyvaus deit li chareter wippe
De sa riorte guyer.
En la grange vos blez muez,
Dehors la grange vos blez tasez. stake
- 268 Une moye e dist en la graunge mowe
E un tase dehors la grange.
En grange vous gardez des arestes.
En chauns vos blez sauvez de bestes.
- 272 En sale chauntez vous les gestes.
Mes si vous cuylez gentz a festes
Priez ceux qe sount en enquestes
Pur lour malices qe sount si prestes.

[Baking]

- 276 Kaunt vostre blee est batue
E ventee e puys mulu,
Par moudre devyent faryn wit gryndyng comes mel
Qe greyn esteit a matyn,
- 280 E de faryn vyent la flour
Par le bulenge del pestour.
Car par bulenge est sevre
La floure e le (ms. le e) furfre demurree. ^[21]
- 284 A vos chyvaus le fourfre donez.
Ewe teve od la floure medlez
E vostre payn enfyn pestrez.
De une rastuer l'auge moundez. a rybbe
- 288 Rastel e rastuer
Servent de dyvers mester.
Le pestour en mayn tent le rastel,

Le rastuer fet l'auge biel,
- 292 Kar qaunt la paste al auge aherd
La rastuer adunkes sert.
Eschaufez le fourm de feugere

Pur defaute de litere.

- 296 Litere e liter sount dyvers
Ke ne sevent pas toutz clers.
Li fauchour lytere fauche,
Pur ese en lytere homme chevauche;
300 Liter prosprement saunz faile
En Fraunce apele homme 'paile'.
Pail e paile sount nomeez
Qe del greyne sount sevez,
304 E si pail ne seit pas
Pernez dunc le pesaz.
E qaunt le four est eschaufé
De pel seit le payn entré.

pe mower

stra.
chaff.

[Weaving]

^[22]Ore pur pestre payn a four

- 308 Qaunt le past est a four
E de pester prent sojour,
Endemetres la messner (ms. messuer) ^[23]
Ne serra pas trop nouchaler.
312 Ore alez semer vostre linois, ^[24]
E ne ubliez ja vostre kanois.
Kar de lyne avrez les bocheus
E de kaumbre les cordeus.
316 Vostre lyne par tens sarclez
E par tens l'aracez,
Puys après la rahez
E en soleile puys l'ensechez.
320 E pur tout saver, est mout bel,
Uncore covent sere al pessel
Pur escoucher vostre lyne,
Car autrement n'est pas fyne.
324 E qaunt a pessel ad son dever
Dunc irrez a la rastuer,
^[25]E puys après le serencez
E de un conuyl vous purvoiez.
328 Ore n'y faut si fusile noun
Ke a messner (ms. messuer) devyser oum.
Mes uncore i ad dyverseté
Dount chescoyn n'est my avysé.
332 De treis choses sert le fusile:
Le fyl est filé par fusile,

rete
drie it en pe sun

spyndel
houswyve

E fu de cailowe fert fusile,
E blee est molu par fusile.
336 Kaunt vostre file est filee
E vostre fusile bien emplee,
A trahuyle covent dunc aler
Vostre file trahuyler.
340 E puy covent a la wander, ^[26]
Cum de file est la manere
Pur wander après le trahuyle.
E puy après tistre le vueile.
344 E la tistresce qaunt tisté l'a
Tauntoust ses traumtes veudra.
Ore vous ai dist qaunqe apent
Fors de la lame soulement.

rele
yarnewyndels blades

[Malting and brewing]

[...]

[Fishing]

[...]

[The garden]

[...]

[Bad weather]

[...]

[Flowers]

[...]

[Trees]

[...]

[Woodland birds and beasts]

[...]

[Parts of a cart]

[...]

[Parts of a plough]

[...]

[Building]

[...]

[Preparing for guests]

[...]

[Varia 2]

[...]

[A feast]

Ore pur haute feste araier

- 348 Un vadlette de la novelerie
Vynt ere de une mangerie,
E de la feste nous ad countee
Cum lour feste fust araié.
- 352 Saunz payn, vyn e cerveise
Ne serrez a feste ja a ese,
Mes de ceo i avoit a grant plenté
Cum li vadlette nous ad counté.
- 356 D'autre chose fet a parler,
Del course qe il i out a primer.
La teste del sengler bien armé,
Pluys le gregne playn baneré,
- 360 Venysoun od la formenté,
Puis meynte autre dyverseté:
Grues, powens e cygnes,
Chevrels, purcels e gelyns,
- 364 Puis avyoms conynges en gravee
Trestout de çeuvre enfoundré,
Maces, quybibes, clowe gelofresz,
E d'autre espicerie assez,
- 368 Puis ount autre fuyssoun de roust
Chescoyn d'eus^[27] autre encoust;

bare hevd
pe snout

swannes pokokes cranes
gryses kydes

Fesauntz, acyes e pardriz,
Gryves, alowes, pluvers rostiz,

wudkokes
feldefares

- 372 Braune, crespes e fruture
Od çeucreroset la temprure;
E qaunt la table fust housté,
Blaunche poudre od la grose dragé
376 E d'autre nobleie a fusoun.
Ensi vous fynys ceo sermoun
Kar de fraunceis i ad assez,
De meynte manere dyversetez.
380 Dounc le vous fynys, segnurs, ataunt.
A fitz Dieu vous comaund.

ICI FINIST la doctrine monseignour Gauter de Byblesworde.

Notes

1. The top of the roll is badly damaged: the first few lines are faded, and there are holes in the parchment. Examination under UV light has allowed restitution of much of the faded material with a high degree of confidence, with reference to the closely similar prologues found in MSS A and G. Holes in the parchment have been indicated in our transcription as gaps. [TGH]
2. The topics announced in this prologue are not all included in the manuscript (e.g. fishing and tree names). Coupled with two occasions where the script suddenly becomes smaller (lines 124 and 326), this suggests that cuts were made in what was copied in order to fit the text onto the parchment available. [TGH]
3. The end-line gloss here is too faded to be legible. [TGH]
4. The end-line gloss here is too faded to be legible. [TGH]
5. The deeply faded end-line gloss here is lost to manuscript damage. [TGH]
6. The gloss to pauper is too faded to be clearly legible. Possibly (with a very low degree of certainty) lide? [TGH]
7. The gloss here looks like a variant form of breu, which is an eyebrow, not (as cil means) an eyelash. [TGH]
8. What appears to be a full-line gloss over three lines in the right-hand margin is too faded to read clearly. There seem to be five words; the second may be þirl, the third is and and the fourth may be gristel, but none of this is certain. [TGH]
9. A small marginal cross in black ink against this line. [ETFM]
10. Gloss over three lines is too faded to read, but probably translates this line in full. [TGH]

11. The first word of the endline gloss, which has had a 't' added into it by the second glossing hand (black ink), is badly faded. It is therefore impossible to be certain which part of the line it is glossing. The rest of the gloss reads *pe hand*. [TGH]
12. A small marginal cross in black ink against this line. [ETFM]
13. From here on, the scribe writes smaller - perhaps having realised that more lines to a page would be needed? [TGH]
14. The galle or gall bladder is a distinct organ from the spleen, but since the two were closely associated in Galenic humoral theory, I think it likely that the gloss is intended to relate to *esplen* in the French text. [TGH]
15. The interlinear gloss to *reynoun* (in the second, black, glossing ink) is illegible – possibly due to erasure? I assume an original reading along the lines of *kidenere*. [TGH]
16. ME gloss could be understood as either article the (with *de* as a variant form) plus noun *stert* (stalk), or as the verb *destert* (remove the stalk); I have opted for the latter, though it is not attested in MED (but prefix *de-* is listed: with depreciative or privative force). [TGH]
17. This word form is unclear, with several ambiguous letter forms: *s/f*, *u/n* and *c/t*. My tentative reading is *asence*, with a sense of the fox's cunning or cleverness in trapping its prey, relating to the AND's definitions of to advise; to guide, lead; to instruct, teach. [TGH]
18. The gloss on this line is very faded but appears to repeat the gloss *Rakes him visible* two lines higher up, at line 222. The occurrence at 222 is underlined, suggesting excision by subpunction, with the gloss above it, *ganes*, written in as a correction (and making far more sense in relation to the line). Accordingly, I have placed *rakes hym* here, where it corresponds to the French *s'espreche*. [TGH]
19. Gloss *rede* appears misplaced on this line, unless it is understood as a key to the entire section. [TGH]
20. Another small black cross in the margin, marking this line - or the whole 'red knight' passage? [ETFM]
21. I have interpreted the superscript addition of *e* as incorrectly placed (after *le* rather than before it); the correction makes sense of the line as: the flour [is separated] and the bran left behind. [TGH]
22. This rubric is incorrect - it belongs with the baking section beginning on line 276. [TGH]
23. The form *messuer* appears to be an misreading for *messner*. [TGH]
24. Lines omitted here, compared with other manuscripts at this point, produce a grammatical inconsistency between lines 310 (where the housewife is mentioned in the third person) and 311 (where she is addressed directly). [TGH]

25. As at line 124, the scribe appears to have recalculated the lines per page needed to complete the text, and reduced the spacing between lines (which had gradually increased) from this point. [TGH]

26. Possible influence of the English equivalent *windel* on this word form? Or simply a scribal misreading of *n* for *u* in an exemplar? (Other Tretiz MSS have the form *wauder*, and the form as found here is unattested.) See also line 342. [TGH]

27. Two possible readings here: (1) *d'eus*: each of them with another alongside; or (2) *deus*: each one with two others alongside. [TGH]